

BIBLIOTEKA
SHTETIT

EURIPIDI




DRAMA
ANDROMAKA
IFIGJENIA
NE TAURIDE

877.0-2

844-2
Eur

EURIPIDI



ANDROMAKA IFIGJENIA NË TAURIDË Drama


28920



I përktheu nga origjinali Sotir Papahristo

SHTËPIA BOTUESE «NAIM FRASHËRI»

Titulli i origjinalit:
Andromake
Ifigeneia he en Taurois



ANDROMAKA
IFIQEÑIA
NE TAURIDE
Drama

Originalna dramska predstava pojetje Ifigeneia

Tirazhi 4000 kopje

Format 70 x 100/32

Stash: 2204-72

KOMBINATI POLIGRAFIK — Shtypshkronja e Re
TIRANË, 1977

PARATHENIE

Euripidi — i sprasmi poet tragjik i botës antike greke — jetoi në vitet 480-406 para erës sonë, në kohën kur shteti skllavopronar i Athinës njoihu, nga njëra anë, lulëzimin e vet më të madh e, nga ana tjetër, nisi të goiditej nga një krizë e thellë ekonomike, politike e shoqërore, që e çoi dalngadalë në rënien e dekompozim.

Vepra e Euripidit e pasqyroj nga disa anë këtë epokë kontradiktore e tranzitore, kur shoqërinë greke e brenin përbrënda kontradikta të mprehta, të cilat jo vetëm që nuk u kapërcyen me Luftën e Peloponezit (431-404), por u thelluan më tej me shkatërrimet që solli kjo lufstë e me varfërimin e mëtejshëm të masave të gjëra të punonjësve. Për pasojë, ndryshe nga Sofokliu, që ishte poeti i lulëzimit të demokracisë, skllavopronare të Athinës, Euripidi u bë poeti i krizës së këtij rendi; në vepren e tij gjetën pasqyrim idetë e reja të kohës që lidhen me ndryshimet që ndodhën në jetën ekonomike e shoqërore të polosit grek e që u zhvilluan në lufstë me shumë koncepte e ide tradicionale. Duke bashkuar në vetvete poetin dhe mendimtarin, Euripidi shtroi në vepren e tij, që u bë një farë enciklopedie e lëvizjes mendore të Greqisë në gjysmën e dytë të shek. V, shumë nga problemet e jetës sociale dhe politike të kohës, për të cilat ai dha një përgjigje që, sidoqoftë, e vë në një ra-

dhë më të përparuar se paraardhësit e tij. Kjo i dha kritikës antike të drejtën ta quajë Euripidin «filozof në skenë».

Problemi i qëndrimit ndaj ideologjisë tradicionale të polosit grek, ndaj mitologjisë dhe fesë tradicionale, ndaj demokracisë athinjote dhe të drejtave të njeriut, ndaj skllavërisë dhe lustëravë, problemi i pozitës së gruas dhe i familjes etj., në veprën e Euripidit, edhe kur nuk u zgjidhën nga pozitat më të përparuara, për shkak të mungesës së një botëkuptimi konsekuent e të kufizimeve që i vinte koha, u shtruan me një synim kritik. Në këtë synim qëndron ana e fortë e veprës së Euripidit. Ai shpesh kundërvë pikëpamje të kundërtat pa arritur të po-hojë vetë. E megjithatë, qoftë dhe duke vënë në diskutim a në pikëpyetje ide a koncepte të sistemeve ideologjike tradicionale, ai i hapte udhë një mendimi më të përparuar.

Këto probleme e këto kufizime shtrojnë e mbartin edhe tragedinë «Andromaka» e «Ifigjenia në Tauridë», që po i vihen sot në dorë lexuesit tonë. Këto dy vepra, të marra në vetvete si pjesë e atij krijimi klasik, që, siç shprehet Marks, vazhdon të na japë ende kënaqësi estetike, paraqesin për lexuesin e sotëm interes jo vetëm për nga forma artistike apo thjesht njohës, por dhe për nga idetë që mbartin, me gjithë kufizimet e kuptueshme historike, si pjellë e një epoke, kur njerëzimi ishte ende në foshnjérinë e tij.

Si gjithë autorët e antikititetit, Euripidi u nis në veprat e tij nga subjekte e figura të mitologjisë, që, si dihet, ka formuar jo vëtëm arsenalin, por edhe truallin e artit klasik grek. Përfytyrimet mitologjike për natyrën dhe shoqërinë i përgjigjeshin asaj shkalle të pazhvilluar të shoqërisë, kushteve shoqërore të papjekura, në të ci-

lat, siç shkruan Marksit, lindi arti grek. Do të shkonin shekuj që mendimi njerëzor të emancipohej nga çdo mitologjizim i natyrës e i shoqërisë e që mendimi e fantazia artistike të bëheshin të pavarura prej mitologjisë.

Për pasojë, edhe në këto dy tragedji të Euripidit nuk mund të mos trashëgohen po ato koncepte e figura që burojnë nga trualli mitologjik mbi të cilin ato janë ngritur. Por duhet thënë se Euripidi, ndryshtë nga poetë të tjera të kohës, duke i bërë jehonë në veprën e tij luftës shoqërore, politike e mendore që ziente në gjirin e shoqërisë athinjote në periudhën e krizës së shtetit të demokracisë skllavopronare, i aktualizoi shumë figurat mitologjike dhe i zbriti heronjtë mitologjikë e vetë perënditë në nivelin e njerëzve të zakonshëm, i paraqiti si bartës mendimesh e ndjenjash njerëzore. Nga kjo pikëpamje, vepra e Euripidit ishte për kohën një fenomen progresiv, që u prit ftohtë nga rrethet konservatore të shoqërisë athinjote. Ajo qëndron më afër kohëve të reja se sa shumë vepra të tjera të antikitetit grek edhe për qëndrimin ndaj perëndive. Qëndrimi kritik ndaj mitit e çoi Euripidin në një qëndrim kritik edhe ndaj idesë së plotfuqishmërisë së perëndive, bile edhe të ekzistencës së tyre, siç del qartë në tragedinë «Belerofonti», ku thuhet:

Thonë se në qiell ka perëndi,
Gjepura! Kush ka qoftë dhe dy pare mend,
S'do t'u besojë prallave të vjetra.

Duke bërë heronj të veprave të tij njerëzit me pasionet dhe dramat e tyre dhe duke i paraqitur të tillë edhe perënditë apo gjysmëperënditë, Euripidi tregoi interes të veçantë për njeriun dhe sferën shpirtërore të jetës së tij. Për këtë tipar të veprës së Euripidit dëshmon edhe «Andromaka», që ngërthen në të vërtetë dy drama, atë

të skllaves Andromakë dhe atë të Peleut, të cilat autori i ka zbuluar me forcë e thellësi psikologjike. Përmes këtyre dy dramave individuale, Euripidi ka ngritur probleme të një rëndësie të përgjithshme e ka pohuar ide që në disa drejtime nxitin mendimin e tronditit botën emocionale edhe të njeriut të sotëm.

Euripidi ishte patriot ahinjot dhe armik i Spartës. Ideja patriotike, që përshkon si një fill i kuq shumicën e tragjedive të tij, i shprehur këtu në formën e mallit të Andromakës përvendin e vet e përmes detajesh të tjera, është një vlerë e përhershme e kësaj tragjedie. Po ashtu përmes historisë së Andromakës, monologjeve të saj, autori ka dënuar pasojat e luftërave grabitqare dhe forcat miliariste; në këtë kontekst duhen kuptuar dhe urrejtja e mallkimit e Andromakës e të Peleut për Sparten, spartanët e spartanet.

Po ashtu përmes fatit të skllaves Andromakë, Euripidi, që në përgjithësi ka qenë armik i tiranisë dhe i despotizmit, i ka dënuar ato, ka dënuar padrejtësitë, lavditë e pamerritura dhe ka shtruar njëkohësisht problemin e gjendjes së skllavit. Andromaka i përket asaj kategorie skllevërish që vijnë nga luftërat, të cilat, siç thotë Engelsi, qenë një nga burimet e skllevërve. Edhe pse e ka marrë heroinën nga një kategori shoqërore të kthyer në skllevër, prapëseprapë rëndësi ka fakti që, si dhe në vepra të tjera Euripidi ka paraqitur me ngjyra të gjalla gjëndjen e skllevërve dhe ka treguar se ata nuk qëndrojnë më poshtë se njerëzit e lirë, përkundrazi, siç tregonet në rastin e Andromakës, ata qëndrojnë edhe më lart.

Në disa tragjeti të Euripidit u shtrua problemi i pozitës së gruas. «Andromaka» dhe «Ifigjenia në Tauridë» nga kjo pikëpamje kanë vlerat e tyre. Ato kanë, së pari, vlera njohëse, të cilave u janë referuar shpesh klasikët

për tē provuar pozitēn e gruas nē atē stad tē zhvillimit tē shoqērisë njerëzore. Duke lexuar «Andromakēn», pēr shembull, mund tē gjesh tē vërtetuar ç'ka thotë Engelsi pēr pozitēn e gruas nē shoqērinē skllavopronare dhe nē përgjithësi pēr pozitēn e gruas nē shoqērinē me klasa. «Nē periudhën heroike, shkruan Engelsi, ne e gjejmë gruan tē poshtëuar nga sundimi i burrit dhe nga konkurrenca e skllaveve. Lexuesin e sotëm nuk duhet ta çuditë pozita e Andromakës, që e pranon tradhtinë e burrit si diçka tē ligjshme dhe tē pashmangshme. Bashkëshortja e ligjshme, siç e ka vënë nē dukje Engelsi, duhet ta duronte monogaminë vetëm pēr burrin dhe jo pēr gruan, e tē ruante rreptësish papërlyeshmérinë dhe besnikérinë bashkëshortore».

Po nga ana tjetër, nē figurën e Andromakës Euripi ka zbuluar disa ndjenja tē mëdha njerëzore, si dashurinë pēr tē birin, që arrin gjer nē vetësakrificë etj. Po ashtu me dramën e Peleut, autori ka poetizuar virtytet e jo pasurinë e madhështinë. Fjalët e tij «më mirë i varfër e me virtyt» janë kuptimplotë nē këtë drejtim.

«Andromaka» është një tragedji ku përplasen pasionet e fuqishme e konceptet tradicionale me konceptet e përpunuara tē autorit pēr kohën.

Në idetë humane dhe nē forcën e shprehjes së tyre artistike qëndron edhe vlera e tragedisë «Ifigjenia nē Tauridë». Kjo tragedji është vijimi i subjektit tē veprës «Ifigjenia nē Aulidë», ku ideja patriotike, gatishmëria pēr tu flijuar nē emër tē interesave tē atdheut, është nē qendër.

«Ifigjenia nē Tauridë» e pohon idenë patriotike nē një kontekst tjetër, nē formën e mallit që e zhurit Ifigjeninë pēr vendin e lindjes, pēr gjirinjtë dhe bashkëdhetarët e vet.

Nga ana tjetër, nē vepér janē poetizuar ndjenja i ē tilla tē bukura si ndjenja e madhe e miqësisë dhe e besnikërisë ndaj shokut, apo virtyte tē tilla si trimëria e guximi.

Duke lexuar veprën, tē têrheq forca tronditëse e monologjeve tē Ifigjenisë si dhe forca e dialogjeve tē Orestit e Piladit apo tē këtyre tē dyve me Ifigjeninë, që zbulojnë ndjenjat që u vlojnë nē shpirt, dashurinë përvendin e lindjes, urejtjen për jetën me turp, tē cilën janë gati ta shkëmbejnë me vdekjen me nder që s'njeh tradhtinë ndaj shokut.

Konfliktet e mëdha që kanë vënë nē qendër tē tyre tragjeditë e antikitetit janë zgjidhur kryesishët nē bazë tē fatalitetit e tē ideve fikse tē paracaktuara. Euripidi me «Ifigjeninë nē Tauridë» ka bërë një hap përpara nē këtë drejtim. Heronjtë e veprës, tē ndodhur nē një pozitë gati pa rrugëdalje, me forcë tē pashembullt vullneti e iniciative, dalin nga situata dhe largohen nga toka barbare për nē atdhe. Por ky hap është gjysmak. Euripidi ka bërë nē fakt një kompromis me idenë e fatalitetit, kur e zgjidh konfliktin me ndërhyrjen e perëndeshës Athina.

Lexuesi i sotëm, duke marë nē dorë këto dy vepra tē krijuara nē shekujt e fëmijërisë së shoqërisë njerëzore, nga njëra anë, qëndron i mahnitur përpara forcës së tyre artistike, çmon idetë humane e progresive që ato mbartin e, nga ana tjetër, njeh kufizimet e naivitet që ato trashëgojnë nga ajo epokë dhe nga traditat artistike tē atij populli, tek i cili, siç shkruante Marksi, fëmijëria e shoqërisë njerëzore është zhvilluar më bukur se kudo, duke ruajtur një bukuri tē përjetshme.

JORGO BULO